

0.0.1 dhamma (nāvā) suttaṃ

318. yasmā hi dhammaṃ puriso vijañña
indam'ca naṃ devatā pūjayeyya,
so pūjito tasmim pasannacitto
bahussuto pātukaroti dhammaṃ.

319. tadatṭhikatvāna nisamma dhīro
dhammānudhammaṃ paṭipajjamāno,
viññū vibhāvī nipuṇo ca hoti
yo tādisaṃ bhajate appamatto.

320. khuddaṇca bālaṃ upasevamāno
anāgatatthaṇca usūyakaṇca,
idheva dhammaṃ avibhāvayitvā
avitiṇṇakaṅkho maraṇaṃ upeti.

321. yathā naro āpagaṃ otaritvā
mahodakaṃ¹ salilaṃ sīghasotaṃ,
so vuyhamāno anusotaḡāmi
kiṃ so pare pakkati tārayetuṃ.

322. tatthecha dhammaṃ avibhāvayitvā
bahussutānaṃ anisāmayattha,
sayam ajānaṃ avitiṇṇakaṅkho
kiṃ so pare sakkati nijjhāpetuṃ.

323. yathāpi nāvaṃ daḷhamāruhitvā

bjt page 96

¹mahodikaṃ-sīmu.

piyena'rittena samaṅgibhūto,
so tāraye tattha bahūpi aññe
tatrūpāyaññū kusalo mutimā.

324. evampi yo vedagū bhāvitatto
bahussuto hoti avedhadhammo,
so kho pare nijjhapaye pajānaṃ
sotāvadhānūpanīsūpanne.

325. tasmā bhava sappurisaṃ bhajetha
medhāvinañceva bahussutañca,
aññāya atthaṃ paṭipajjamāno
viññātadhammo so sukhaṃ labhethāti.